



VERBA IOANN.

RVSSELLI IV-
RECONSVLTI PRO SENA-
TV POPVLOQVE EDINBVRGEN-

SI HABITA, AD SERENISSIMAM SCO-
torum Reginam Annam, dum Edin-

burgum ingreditur 19. Maij.

An. 1590.



PROV. 18 12.

Exultantibus iustis amplius est ornatus.



EDINEVRGI

EXCVDEBAT ROBERTVS

Walde-grave AN. DOM. 1590.

Cum priuilegio Regali.



AD REGINAM ANNAM

EPIGRAMMA.

EN geminis solem hospitio amplectentibus altum,
Et varijs terra diuite graminibus,
Solenni Edburgum ingrederis Regina triumpho,
Et solio Scotis fadere iuncta sedes.
Atque tui ciues te me pracone salutant,
Exoptant, spondent prospera cuncta tibi:
Et Regi, & populo, & Musis pergata, futurae
Spem faciens fausta prouis, & imperij.
Accipe quod populi est, animum, de more fidelem
Sed tamen hoc nostri tessera amoris erit.

TVAE SERENITATIS. S. H.

IO. RUSSELLVS.





VEBBA IOANN.

RUSSELLI IV- RECONSVLTI PRO SENA- TV POPVLOQVE EDINBVRGEN.

SI HABITA, AD SERENISSIMAM SCO-
torum Reginam Annam, dum Edin-

burgum ingreditur 19. Maij.

An. 1590.



Erenissima, Nobilissima, et Illus-
trissima Regina, omni laudis, vir-
tutis, pietatis ac educationis. ge-
nere ornatissima, defuncti patris,
magni illius Frederici, patris Pa-
triæ, Illustrissimi Danorum regis

inclytæ memoriæ Principis, filia, ac spes optima,
et domina nostra clementissima : Hodierno die,
Senatus, populusque Edinburgensis, quas possu-
mus maximas, Deo OPTI. MAX. vno ore,
gratias habemus et habituri sumus : Quod seren-
issimam vestram maiestatem, toties, et tam diu,
nostrorum precibus et votis expetitam, nunc
tandem supremo et nativo Principi nostro, fæli-
cibus auspicijs, & bonorum omnium summo ap-
plausu, matrimonio conjunctam. In nostram
Reipub.

De.
Reip. et posteritatis nostræ, ac finitimorum Reg-
norum, (quod speramus) salutem perpetuam:
saluam et incolumem, cum Serenissimo Rege
nostro in Scotiam perduxerit: quoties enim, in
plurimas Europæ Monarchias jam inclinantes,
penitus introspicimus: quoties Regum & Prin-
cipum vicinorum lachrimolos exitus, tragicos
euentus, et fatales periodos animis reputamus:
quoties insignes illas misérias expendimus, qui-
bus Ecclesiæ et Respub. Christianæ, per totum
peneterrarum orbem miseris modis convulsæ,
afflictæ, et labefactatæ nunc jacent: Toties felices
nos, et foelicem Rempub. nostram jure intelli-
gimus, quibus deus pro singulari sua in nos clemen-
tia, Principem vere Christianum, summa pietate,
justitia, virtutis etiam amore, castis moribus et
animi candore, ab ineunte primæ ætatis suæ ra-
tione, et primis quasi incunabilis institutum, præ-
fecerit. Sub cuius fausto et felici imperio nobis
liceat sacrosanctum, et æternum Dei nomen, et fi-
lium eius, in puritate Religionis Christianæ asse-
rere, quo regnante, Scotia compositis domi bel-
lis, diuq; peregrinis pulsata procellis, nunc læta
caput exerit, nobis enim supremam spondent et
promittunt sidera pacem. At nunc multo felicio-
res nos censemus, quod eam serenissimus noster,
non humano concilio, (sed Deo dante) oprato
coniugio, in viridante iuuenta sibi sociam vitæ et
thori delegerit, non quam juberet teneris accen-
sus ardor ab annis: sed quæ pari pietate, virtute,
mode-

modestia, et moribus respondeat, et virtutem in
numerofam sobolem propagare posset, cuius
sexu virtus, annis vero, maior est prudentia: for-
mæ et decori accedens pudor, sceptris coniun-
ta modestia, lenis et suprema vultus maiestas, ac
continentia, cumque augusta et rara maiestate
venustas, hæc autem omnia exornans arcano
gratia nexu: **DIGNA DIGNA IOVE,**
immo ter digna. Quam etiâ trans æquoris æstus,
nullum mortis gradum metuens, sed truci ratem
pelago committens, ipse sibi classe petat serenif-
simus noster explorator, probator formæ, ac mo-
rum testis, ille suis oculis vidit, laudauit et proba-
uit sua vota, semel enim ceptus amor, major in-
dies accreuit, flamma vero paulo acrius per artus
incedēs, Regium pascebat amorem, tandemque
post longas variasque remoras, dulcis ille et ni-
mium expectatus hymen felici conjunxit fœdere
dextras. Et genus, virtus, forma, ætas nubilis,
promissa fides, tam arcto vos vinculo sociauit: vt
nulla dies, nulla temporis etiam longæua series,
vestrum divellere possit amorem: fortunati ergo
vos ambo, immo dicam amplius, felici tempo-
re nati. Nunc Dei beneficio thalamis Regalibus
et superbis conjuncti, spem vestram ipsa fouet
mundi concordia, ceptis votisque vestris aspirat
indulget honori, fietque (Deo duce et auspice)
vt hæc vestra concordia, nullis vnquam labefac-
tata querimonijs, conjugium vestrum ter felix
canos seruet et producat in annos. Hinc surget

beata proles: hinc sceptrifero descendens Regum
 stemmate, auito in solio, antiquis dabit sua jura
 Scotis. Nec amplius diuisis, accedet læta pax Bri-
 tannis: faustus, felixque Maius verno tenerum
 pingens honore solum: cuius suauissima luce,
 hæc nobis accesserunt gaudia, hanc gloriam et
 summam nostram felicitatem, nulla reuertentis
 sæculi perennitas, nulla quantumuis longæua de-
 lere potest vetustas. Quod si originem, et generis
 seriem, (quæ est ex antiquissima Danorum pro-
 sapia) si parentes, si agnatos spectemus, habet
 Scotia, in quo faustis acclamationibus sibi con-
 gratuletur, et de hoc matrimonio bene speret, si
 præterita futuris conjungere licet. Testis est locu-
 ples, Margareta felicitis memoriæ Christierni,
 Daniæ, Noruegiæ, et Suecie Regis filia, Iacobo
 tertio, eius nominis Scotorum Regi illustrissimo
 ante aliquot annos, in matrimonium Scotis im-
 primis salutare data. Testis felix memoria defūc-
 ti patris serenitatis uestræ, Frederici Secundi, e-
 jus nominis Danorum Regis invictissimi. Testis
 Sophia mater, Palladis filia, virtutis, morū, vite-
 que magistra, nullis vnquam nominibus satis
 laudata. Christianum quartum, nunc Danorum
 Noruegiæ, &c. principem electum illustrissi-
 mum majestatis uestræ fratrem, optimæ spei prin-
 cipem quibusquæso elogijs celebremus: is est
 qui virtutem et pietatis amorem hausit cum læ-
 et. Quid Daniæ procures? a consilijs Regijs, re-
 busquæ gerendis præfectos? Quid supremum
 can-

Cancellariū, magnum Thalassiarحام? ceterosque viros nobiles, et grauissimos, summo consilio, rerum administrandarū peritia, vitę, morumque integritate insignes, commemorem? Quid generosos et nobiles? vltimi vestrę maiestatis itineris comites in hanc nostram Scotiam ornata classe Danica appulso? Quibus quāto nominibus commendabo? citius me dies deficiet quam oratio. Hęc ergo atque alia permulta cum longiore oratione indigeant, lubens prętereo, neque enim loci vel temporis huius occasio patitur, vt quę dicenda sunt, cum plurima sint, eaque grauissima, vberiori oratione complecti: Quid ergo? Annon eam in Reipub. nostrę felicitatem, suprema vestra maiestate regnante sperabimus, quam prioris sæculi exempla docuerunt? Speramus certe, et spem nostram, veneranda hac, et augusta pręsentia, (quę famam non minuit sed auxit,) proculdubio confirmauit: superest tantum, vt omnibus modis, studijs, et neruis, incumbat tua Maiestas. Primum et ante omnia, in propaganda et promouenda dei gloria et religione Christiana: deinde in Repub. nostra, eiusque politia, ritę, rectęq; instituenda, administrāda, et defēdenda: Sic enim facillē fiet, vt nunc imperij socia facta, mutuis officijs, cum Principe nostro, populum vestrę fidei commissum, iustitia et bonis legibus defendatis et constituatis: Quod autem est nostri muneris et officij, pro nobis et successoribus nostris, Serenitati vestrę spondemus, fidem, obsequium

sequium, humilitatem, obedientiam, et fidelitatis
 juramentum, cuius maiestati et imperio nos nos-
 traque, omni cum reuerentia subijcimus, Deus
 pro singulari sua in nos clementia, cuius nutu
 imperia reguntur, Principum animi gubernan-
 tur: maiestatem vestram diu nobis seruet in colu-
 mem, tranquillam vitam, cum numerosa sobole,
 & felici in Christo omnium actionum progressu
 tuae Celsitudini largiatur dominus, in hac vita:
 et mortali hac umbra euanescente in cele-
 stem illam gloriam quam electis suis
 constituit, recipiat:

Dixi.



Gu. Drimond

